

Comunu de Quartu Sant' Aleni

Tzitadi Metropolitana de Casteddu

DELIBERATZIONI DE SA GIUNTA COMUNALI

Nùmeru 01 de su 05/01/2024

Ogetu: ART. 175 C. 5 BIS LIT. D) DE SU D.LGS 267/2000 - VARIATZIONI A IS DOTATZIONIS DE CÀSCIA DE SU BILÀNTZIU DE PREVISIONI FINANTZIÀRIU 2024-2026.

S'annu 2024, su 05 de su mesi de Gennaxu, a ora de is 11.20 in Quartu Sant'Aleni, in sa sala comunali, cunvocada cunforma a sa lei, s' est atobiada sa Giunta Comunali. Funt presentis is sennoris:

Sìndigu	Presenti
MILIA Graziano Ernesto	No
Assessoris	
SANNA Salvatore	Eja
CAMBONI Marco	Eja
CARTA Cinzia	No
COGONI Tiziana	Eja
CONTI Antonio Mauro	No
MANCA Barbara	Eja
PERRA Rossana	Eja
VANINI Aldo	Eja

Presentis: 6 Ausentis: 3

Pigat parti a sa setziada su Segretàriu Generali Maggio Paolo.

S'Assessori SANNA Salvatore ndi liat sa presidèntzia e, de chi at averiguau chi ddoi at su nùmeru legali, cumentzat sa setziada.

SA GIUNTA COMUNALI

Biu su D. Lgs. 267/2000 (TUEL) e pruschetotu s'art. 175, in contu de disciplina asuba de is variatzionis de bilàntziu;

Arremonau su c. 5 – bis litera d) de s'art. 175, cunforma a su cali funt de cumpetèntzia de sa Giunta Comunali, e bolint adotadas in cabu de su 31 de idas, is variatzionis de is dotatzionis de càscia, asseguendi chi su fundu de càscia a s'acabu de s'esercìtziu no siat negativu;

Cunsideradas is deliberatzionis de su Consillu Comunali, esecutivas cunforma a sa lei:

- n. 115 de su 19.12.2023, chi at aprovau sa *Nota de aggiornamentu a su Documentu Ùnicu de Programatzioni (DUP) 2024/2026*;
- n. 116 de su 19.12.2023, chi at aprovau su Bilàntziu de Previsioni finantzàriu 2024/2026 e sa Nota Integrativa;

Bida sa Determinatzioni dirigentziali n. 2150 de su 29.12.2023 de su Setori 2 Programatzioni Econòmicu Finantzària – Controllu de Gestioni – Controllu Partetzipadas, cun ogetu "ART.175 C.5-QUARTER LIT. B)-VARIATZIONI A SU BILÀNTZIU 2023-2025 E A SU BILÀNTZIU 2024-2026 DE IS STANTZIAMENTUS A SU FUNDU DE PRUS ANNUS (FPV-COMP E EP)";

Ca tocat a assetiai unus cantu stantziamentus de càscia de parti currenti e capitali, pruschetotu apustis de s'abertura de s'esercìtziu 2024;

Bius is ligòngius chi s'ghint:

- All_A1 Variatzioni a su Bilàntziu _ Intrada _ càscia 2024;
- All_A2 Variatzioni a su Bilàntziu _ Gastu _ càscia 2024
- All_A3 Echilìbriu de Bilàntziu;
- All_A4 Cuadru de Resùmini 2024/2026;

Cunsiderau chi su fundu de càscia arresurtat no negativu;

Bida sa proposta de deliberatzioni n.02 de su 03/01/2024, de su Setori 2 - Programatzioni Econòmicu Finantzària, Controllu de Gestioni, Controllu Partetzipadas, po sa chistioni in ogetu;

Arriciu, cunforma a is Artìculus 49 e 147bis, de su D.Lgs. 18/08/00, n. 267, parri a favori in contu de regolaridadi tècnica e contàbili, de parti de su dirigenti Setori 2 – Programatzioni Econòmicu Finantzària, Controllu de Gestioni, Controllu Partetzipadas;

Donau atu chi s'est arriciu su parri de cunformidadi aministrativa, a is leis, a su Statutu e a is Regulamentus cunforma a s'art. 97, c. 2, de su D.Lgs n. 267/00, e a s'art. 4, c. 4, de su Regulamentu Comunali asuba de is controllus internus, de parti de su Segretàriu Generali;

Donau atu chi po custa variatzioni no serbit su parri de s'Òrganu de Revisioni cunforma a s'art. 239, c. 1 de su D. lgs 267/2000;

Biu su D. Lgs. N. 267/2000;

Biu su D. Lgs. N. 118/2011;

Biu su Statutu comunali;

Biu su Regulamentu de Contabilidadi aprovau cun Deliberatzioni de su Consillu Comunali n. 29 de su 29/03/2021;

Cun votuas a favori cunforma a sa lei;

DELÌBERAT

De aprovai cunforma a s'art. 175 c. 5-bis lit. d) de su D. Lgs. 267/2000, una variatzioni a su bilàntziu de previsionì finantziàriu 2024/2026 po s'esercitziu 2024:

- All_A1 Variatzioni a su Bilàntziu _ Intrada _ càscia 2024;
- All_A2 Variatzioni a su Bilàntziu _ Gastu _ càscia 2024
- All_A3 Echilìbrius de Bilàntziu;
- All_A4 Cuadru de Resùmini 2024/2026;

De donai atu chi abarrant firmus is echilìbrius de su Bilàntziu de previsionì, cunforma a su ligòngiu A3_Echilìbrius de Bilàntziu;

De donai atu chi in su bilàntziu de previsionì su fundu càscia no arresurtat negativu;

De trasmiti custa deliberatzioni a su Dirigenti de su Setori 2 - Programatzioni Econòmicu Finantziària, Controllu de Gestioni, Controllu Partetzipadas;

De decrarai cun votatzioni a totòmini chi custa deliberatzioni est esecutiva luegus etotu, cunforma a s' art. 134, puntu 4, de su D.Lgs. 18 de austu 2000, n. 267.